



KEMENTERIAN PEMBANGUNAN
USAHAWAN DAN KOPERASI

20 / 2026

SIARAN MEDIA

YB STEVEN SIM SANTUNI 535 WARGA KUSKOP DENGAN PENGAGIHAN KURMA SEMPENA RAMADAN

9 MAC, PUTRAJAYA – YB Encik Steven Sim Chee Keong, Menteri Pembangunan Usahawan dan Koperasi baru-baru ini mengedarkan kurma kepada 535 warga kerja Kementerian Pembangunan Usahawan dan Koperasi (KUSKOP) sempena bulan Ramadan.

Dalam sesi tersebut, YB Menteri turut meluangkan masa turun ke setiap aras bangunan kementerian untuk beramah mesra serta bertanyakan khabar warga KUSKOP, sekali gus mengeratkan silaturrahim dan memupuk semangat kerja berpasukan dalam kalangan warga kementerian.

Sesi ini juga memberi peluang kepada warga kementerian untuk berinteraksi secara langsung dengan YB Menteri serta berkongsi pandangan mengenai tugas dan persekitaran kerja, di samping menghargai usaha dan komitmen warga KUSKOP.

YB Menteri turut meninjau pusat panggilan kementerian bagi menyantuni serta memberi semangat kepada petugas barisan hadapan yang bertugas melayani pertanyaan orang ramai setiap hari.

Agihan kurma kepada warga kementerian merupakan tradisi YB Menteri setiap kali menjelang Ramadan. Kurma yang diedarkan pada tahun ini berasal dari wilayah Nablus, Palestin. Ia dibeli dari sebuah kedai kecil yang beroperasi di Malaysia, iaitu Pasar Palestin, yang diusahakan oleh komuniti Palestin yang menetap di negara ini. YB Menteri telah mula menyokong perniagaan tersebut sejak tahun 2019. Inisiatif kecil ini mencerminkan semangat kemanusiaan dan kebersamaan yang sentiasa menjadi pegangan YB Menteri khususnya dalam bulan Ramadan yang penuh keberkatan.

Dengan semangat Ramadan yang menekankan nilai berkongsi dan empati, KUSKOP akan terus komited memperkukuh ekosistem keusahawanan dan koperasi di Malaysia selaras dengan nilai Ihsan dalam aspirasi Malaysia MADANI.

Hebatkan Perniagaan Malaysia!

KEMENTERIAN PEMBANGUNAN USAHAWAN DAN KOPERASI
9 MAC 2026

Fungsi & Peranan KUSKOP

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

Agensi - Agensi dibawah KUSKOP

BIL	AGENSI	FUNGSI
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah